

刑部比照加減成案

敘

余讀呂刑。有上下比罪之文。蓋三代時卽有律。而案情勢。如不能盡入於律。故以上下比之。古言上下猶今言加減也。今時律之外有例。則已備上下之比。而仍不能盡入於例。則又因案以生例。而其法詳焉。故斷獄尤視成案。余少嘗有志讀律。及來京

師識諸城李君方赤。天門熊君璧臣二君。並官刑部。方赤充律例館提調官。綜覈庶獄。言讞事者。必推方赤。璧臣亦能稽比鞫疑。卓然有聲。二君每爲余言。比照加減之法。剖析入毫芒。昨歲余通籍。將有民社之責。一日過璧臣寓。見所校加減成案。丹黃爛然。璧臣云。此當世決讞金鍼也。因攜之。

歸會余以預修國子監志不暇竟讀。今方
赤壁臣並以上考將出守。余亦以監志成。
議敘得州牧。爰取璧臣手校本并借得方
赤本。暨歸安姚君聖常本。與璧臣參互攷
訂。異同者正之。闕者補之。事之易涉歧誤
者刪之。於是芟分句。讀復提其要領。疊圈
點識之。俾讀者曉然知用法之意。凡數月

歲事。遂付劄。宜黃熊君墨樵。夙善刑名之學。時與余同修監志。議敘得縣令。校讎之事。厥功爲多。刻既竣。開卷秩然。無小大獄。皆可依類折衷矣。雖然。案者獄之已成者也。獄者案之未成者也。孰已成之案。以斷未成之獄。吾能必案之無畸重畸輕。而不能必獄之無有枉濫。則所謂哀敬折獄。

者又自有本矣。道光甲午斗指亥之月杭
州許樾敘於京師嘉量齋

敘

始余驅馳南北。見今世折獄者。明敏仁恕。多不乏人。至於援律定案。輒委諸幕客。竊疑其不可恃。顧余方事帖括。博進取於刑名之學。亦未暇習也。已而試京兆。屢躋丙子。幾得元。旋復被落。乃喟然嘆曰。是區區者。而不余畀命也。吾不能爲一已造命要。

當爲百姓造命耳。乃盡取律例善本詳閱而精核之。務合於矜恤之旨。十餘年來。服官刑部。遂得縱觀說帖諸書說帖者。皆諸曹舊案。疏其罪名之所以出入。而著爲說者也。第卷帙浩繁。未易繙閱。其最善者。莫如比照加減成案。事畧而盡。文簡而覈。可以輔律例之所未備。嘗手錄一過。以資省

覽。蓋。律。例。爲。有。定。之。案。而。成。案。爲。無。定。之。
律。例。同。一。罪。犯。也。比。諸。重。則。過。比。諸。輕。則。
不。及。權。輕。重。而。平。其。衡。案。也。律。例。也。同。一。
輕。重。也。比。諸。彼。則。合。比。諸。此。則。否。彙。彼。此。
而。析。其。義。案。也。律。例。也。嘗。取。而。譬。之。律。例。
題。也。案。文。也。題。一。而。已。作。文。者。不。啻。萬。焉。
文。不。同。而。同。如。其。題。案。不。同。而。同。如。其。律。

例題之所未言而見諸文不讀文無以盡
題之蘊律例之所未有而見諸案不繹成
案無以觀律例之通夫天下情偽多矣卽
成案亦烏足以窮其變然引而伸之觸類
而長之可以類若畫一故曰成案者無定
之律例也稱此以爲斷其於民命庶無枉
濫矣乎海昌許君珊林聞余言而題之就

余索是書去。且曰。吾將布諸當世。令人人。知爲百姓造命。因取他本。與余往復論究。刪訛訂謬。勒爲成書。而余敘其大畧如此。道光十四年十月朔。安陸熊敘。

刑部比照加減成案卷首總目

杭州許榑

同訂

安陸熊莪

卷一

名例

贖刑

犯罪免發遣

常赦所不原

流犯在道會赦

犯罪存留養親

工樂戶及婦人犯罪

徒流人又犯罪

老小廢疾收贖

犯罪自首

二罪俱發以重論

犯罪事發在逃

本條別有罪名

徒流遷徙地方

卷二

吏律職制

官員襲廕

濫設官吏

真舉非其人

舉用有過官吏

交結近侍官員

吏律公式

誦讀律令

制書有違

棄毀制書印信

戶律戶役

入戶以籍爲定

收留迷失子女

賦役不均

卷三

戶律田宅

盜賣田宅

戶律婚姻

典雇妻女

逐婿嫁女

居喪嫁娶

強占良家妻女

卷四

戶律婚姻

出妻

嫁娶違律主婚媒人罪

戶律倉庫

多收稅糧斛面

那移出納

戶律課程

鹽法

匿稅

戶律錢債

違禁取利

費用受寄財產

戶律市廛

私充牙行卑頭

把持行市

禮律祭祀

毀大祀邱壇

禁止師巫邪術

禮律儀制

上書陳言

匿父母夫喪

兵律宮衛

術突儀仗

越城

門禁鎖鑰

兵律軍政

軍人替役

卷五

兵律軍政

激變良民

私藏應禁軍器

從征守禦官軍逃

夜禁

兵律關津

關津留難

私出外境及違禁下海

兵律廢牧

牧養畜產不如法

宰殺馬牛

畜產咬踢人

兵律郵驛

遞送公文

刑律賊盜

謀反大逆

造妖書妖言

盜大祀神御物

盜制書

盜園陵樹木

監守自盜倉庫錢糧

七
常人盜倉庫錢糧

卷六

刑律賊盜

強盜

劫囚

卷七

刑律賊盜

白晝搶奪

竊盜

卷八

刑律賊盜

盜田野穀麥

親屬相盜

恐嚇取財

卷九

刑律賊盜

詐欺官私取財

略人略賣人

卷十

刑律賊盜

發塚

卷十一

刑律賊盜

夜無故入人家

盜賊窩主

共謀爲盜

卷十二

刑律人命

謀殺人

謀殺祖父母父母

卷十三

刑律人命

殺死姦夫

卷十四

刑律人命

殺一家三人

造畜蠱毒殺人

鬪毆及故殺人

卷十五

刑律人命

屏去人服食

戲殺誤殺過失殺

夫毆死有罪妻妾

殺子孫及奴婢圖賴人

弓箭傷人

庸醫殺傷人

窩弓殺傷人

卷十六

刑律人命

威逼人致死

卷十七

刑律人命

威逼人致死

卷十八

刑律人命

尊長爲人殺私和

同行知有謀害

刑律鬪毆

鬪毆

卷十九

刑律鬪毆

保辜限期

宮內忿爭

宗室覺羅以上親被毆

毆制使及本管長官

毆受業師

威力制縛人

良賤相毆

奴婢毆家長

卷二十

刑律鬪毆

妻妾毆夫

同姓親屬相毆

毆大功以下尊長

毆期親尊長

卷二十一

刑律鬪毆

毆祖父母父母

妻妾與夫親屬相毆

毆妻前夫之子

父祖被毆

刑律罵詈

罵制使及本管長官

卷二十二

刑律訴訟

越訴

卷二十三

刑律訴訟

投匿名文書告人罪

誣告

卷二十四

刑律訴訟

誣告

干名犯義

卷二十五

刑律訴訟

子孫違犯教令

教唆詞訟

卷二十六

刑律受贓

官吏受財

在官求索借貸人財物

因公利斂

卷二十七

刑律詐僞

詐爲制書

詐傳詔旨

對制上書詐不以實

偽造印信時憲書等

私鑄銅錢

詐稱內使等官

詐病死傷避事

詐教誘人犯法

卷二十八

刑律犯姦

犯姦

縱容妻妾犯姦

親屬相姦

卷二十九

刑律犯姦

奴及雇工人姦家長妻

姦部民妻女

居喪及僧道犯姦

買良爲娼

刑律雜犯

拆毀申明亭

賭博

囑託公事

失火

卷三十

刑律雜犯

放火故燒人房屋

不應爲

刑律捕亡

罪人拒捕

卷三十一

刑律捕亡

獄囚脫監及反獄在逃

徒流人逃

主守不覺失囚

知情藏匿罪人

盜賊捕限

卷三十二

刑律斷獄

故禁故勘平人

陵虐罪囚

與囚金刃解脫

主守教囚反異

獄囚衣糧

官司出入人罪

決罰不如法

工律營造

造作不如法

織造違禁龍鳳紋段疋

工律河防

侵占街道

盜決河防

督捕則例

以下四
條附

理藩院則例

蒙古則例

比引條例

刑部比照加減成案卷一 目錄

杭州許儼

同訂

安陸熊莪

名例

贖刑

犯罪免發遣

常赦所不原

流犯在道會赦

犯罪存留養親

工樂戶及婦人犯罪

徒流人又犯罪

老小廢疾收贖

犯罪自首

三舉俱發以重論

犯罪事發在逃

本條別有罪名

徒流遷徙地方

刑部比照加減成案卷一

名例

贖刑

陝西司

嘉慶二十二年

陝督咨武生滕殿邦於總督轎前衝突行走經隨從武弁推阻該生復向扭毆並未成傷查滕殿邦身立膠庠當知憲輿之前

理應謹肅。乃不迴避。輒敢衝突行走。迨經
隨從武弁推阻。復敢扭結向毆。膝殿邦照
生員不守學規。問發爲民例革去衣頂。依
不應重律杖八十。不准收贖。

犯罪免發遣

陝西司 嘉慶二十年

本部奏平四負欠不還。致令伊姊與人爭
毆涉訟。該犯不行阻止。反爲捏詞誣告。挾
制官長。教唆覺羅才抗狡賴。及奉

旨緝獲。猶敢潛匿不出。實屬藐法。將平四
比照旗員誣告詭詐行同無賴。不顧行止。

者發黑龍江三姓等處當差

山西司

嘉慶二十一年

察哈爾奏已革蒙古捕盜官忠祿身爲職
官犯姦宿娼妄拏良民復挾嫌誣控冀圖
訛詐該都統將忠祿照棍徒擾害例擬遣
經本部以職官而引民人棍徒之條殊未
允當將忠祿改依旗員如有誣告訛詐行

同無賴者發黑龍江三姓等處當差。

常赦所不原

浙江司

嘉慶二十一年

浙撫咨陳永發因觸犯伊母金氏呈送發遣在配聞知伊母病故私自逃回治喪在家哭泣有地保可証雖哀痛非在配所而追悔迫切之情易地皆然例無明文可否依聞喪哀痛之例釋放咨請部示經本部

以該犯逃回治喪與在配聞喪哀痛之例
不符其在配私逃究由趕回治喪之故自
應酌予減免陳永發免其逃罪仍發原配

流犯在通會赦

直隸司 嘉慶二十三年

東陵咨福隆竊賊一兩。銷除本身旗檔。其
妻子無庸銷檔。如福隆愿與伊妻子過度。
聽其自便。嗣福隆添生一女。年至五歲。福
隆之妻呈懇添食口米。經該衙門以應否
載入冊檔。添食口米。咨請部示。本部查福

隆現生之女係在銷除旗檔以後所生已
與民人無異未便載入冊檔亦無庸添食
口米

犯罪存留養親

四川司 嘉慶十九年

西城移送李張氏一案。囚與僧悟量通姦。致姦情敗露。姦忿自盡。悟量依因姦釀命例。滿徒加二等。擬杖一百。流二千五百里。仍枷號兩個月。勒令還俗。因該犯之母年逾七十。准其留養。

浙江司

道光元年

本部奏樊魁先因與伊弟樊沅爭鬧用刀嚇砍。經其母王氏趨奪自行劃傷。當將該犯依例擬以斬決。奉

旨改爲斬監後入於情實。二次未

勾改入緩決。嗣王氏赴部呈稱伊守節二十餘年。第三子樊寶病故。次子樊沅業已

呈送發遣。未卜存亡。且係不孝之徒。卽釋
回。亦屬枉然。呈請將樊魁留養等因。查明
屬實。惟子傷父母情。輕改緩人犯。應不留
養。例無明文。援引浙江省龔奴才成案。請
旨定奪奉
旨准其留養。

安徽司

嘉慶二十二年

安撫咨沈太和因大功堂弟沈太祥縱妻王氏與陳太華通姦該犯曾向理斥嗣沈太祥在陳太華房內身死該犯疑係因姦謀毒用簪探試帶有黑色懷疑不釋具控致屍身兩遭蒸檢該撫將該犯依尊長誣告人命並非挾仇只以誤執傷痕告官蒸檢律擬流加徒親老丁單不准留養等因

咨部經本部查沈太和之懷疑妄控事出
有因所得擬流加徒之罪係誣執傷痕告
官蒸檢與誣告反坐者有間該犯如果親
老丁單准其留養

安徽司

嘉慶二十二年

安撫咨邢太平毆傷大功堂弟邢太盛身
死罪應擬流已死邢太盛係屬獨子雖該

犯母老丁單應不准其留養。本部以殺人例不應抵之。犯例無查明被殺之人。是否獨子明文。今邢太平毆死大功堂弟。罪止滿流。自不得與應擬死罪人犯並論。邢太平。如果母老丁單。仍應准其留養。

貴州司嘉慶二十年

貴撫咨劉阿常因爭鬪毆死張添富。劉阿

常張添富均係獨子李益良率以張添富
父母俱故混行具結將劉阿常留養李益
良應比照軍流等犯本非獨子隣族人等
假捏出結減本犯二等例於劉阿常絞罪
上減二等擬以滿徒

四川司 嘉慶二十年

川督奏余長安原因屢次滋事照棍徒擬

軍該犯本有弟兄。並非獨子。輒捏親老丁單。在配遣女余西州。赴京具控。仰蒙

聖恩。以該犯父母年逾八旬。無人侍奉。並因幼女遠赴京師。具呈情甚可憫。

加恩將該犯釋放。乃于回籍後。復更名捐監。刁唆詞訟。圖詐錢文。實屬怙惡不悛。其詞內擅稱伊女。係奉

旨旌表孝女。本屬詐傳。惟原奉

恩旨內。曾有伊女年甫十一歲。不遠千里。來京申訴。其情甚屬可憫等

諭。尚非平空捏造。因未便遽擬斬候。若照本律量減一等。及誣告人徒罪。於滿徒上加三等罪止。滿流。將余長安。比照軍流徒犯。捏報留養。本犯仍發原配之例。量加一

等問擬情罪本屬相符。惟原係烟瘴少輕。改發極邊足四千里之犯。今量加一等。應發極邊烟瘴充軍。查例內烟瘴少輕與極邊烟瘴同以足四千里爲限。惟在配脫逃者。烟瘴少輕之犯。改發新疆爲奴。今該督將該犯擬發烟瘴少輕地方充軍。設將來有在配脫逃等事。加等問擬。則輕重迥屬。

懸殊余長安應改極邊州瘴充軍仍以足
四千里爲限。

工樂戶及婦人犯罪

河南司

嘉慶二十三年

河撫咨朱氏於前夫張見才故後賣與韓
孝東爲妾。字據確鑿。韓孝東因其悍潑復
轉賣與張騾子爲妻。乃嫌張騾子家貧圖
返韓孝東家。不遂所欲。輒捏稱繼室誣控
韓孝東前妻之子韓驢子夫婦毆傷誣賣。

如果所告屬實。韓驢子罪千重。辟今審屬
虛誣。自應反坐。朱氏依誣告人死罪未決。
律杖流加徒。該犯婦悍潑異常。久爲母族
夫家所共棄。現復以逆倫重情。赴京捏控。
實屬女流中之敗類。且照例收贖。亦無人
承領。應將朱氏實發。駐防爲奴。

徒流人又犯罪

山東司
嘉慶二十四年

東撫咨王元先因擬絞減流遇

赦減徒脫逃加等問擬總徒在配復逃迭
竊六次查該犯係免死減流累減擬徒之
犯與因竊擬徒在配復竊者不同未便照
積猾擬遣例內並無總徒人犯在配脫逃

復犯徒罪治罪明文將王元于原犯總徒
四年上酌加一等准徒五年

奉天司

嘉慶二十年

黑龍江咨遣奴郝忠青行竊拒傷事主馬
刀兒案內之回民馬惠係因結夥持械搶
竊發遣爲奴之犯茲復在配結夥行竊拒
傷事主傷輕平復若照竊盜拒捕本例僅

止邊遠充軍其結夥持械肆竊亦止改發
烟瘴俱與原犯本罪較輕若依遣奴在配
疊次行竊之條擬以枷號一年則與未經
拒捕者無所區別應酌量再加枷號一年
廣東司 道光元年

廣撫咨陳太前經結拜擬流在配逃回復
被糾人夥結拜該犯結拜聚衆未及四十

人罪止擬流其脫逃被獲例應加等發附近充軍未便將該犯僅照逃流調發應於附近軍罪上酌加一等發近邊充軍

奉天司

嘉慶

十三年

黑龍江谷王奎鎮發遣黑龍江爲奴在配復竊枷號一年改發呼倫貝爾爲奴復竊牛宰殺若僅照尋常造犯在配行竊二次

例枷號二年不足示懲。可否將王金鎖照
例枷號滿日改發新疆經本部查例內遣
犯在配行竊。分別次數遞加枷號並無改
發字樣。王金鎖枷滿之日應仍交伊主嚴
加管束。

山東司

嘉慶二十三年

東撫谷王五於因竊擬軍在逃復竊發極

徒流人又犯罪

邊烟瘴充軍之後復逃行竊一次例無治
罪明文惟查有尋常極邊烟瘴充軍人犯
脫逃改發新疆當差自應比例加等問擬
王五應改發新疆酌撥種地當差再加枷
號三個月照例刺字

浙江司 嘉慶二十四年

浙撫咨流犯宋大木偷竊衙署服物贓未

滿貫與尋常竊盜問擬流罪在配行竊一
二次。賊未滿貫之罪相等。應從一科。斷將
宋大木依竊盜問擬流罪在配行竊一二
次。賊未滿貫例收發雲貴兩廣極邊烟瘴
充軍。以極邊足四千里爲限。

江蘇司

嘉慶二十五年

蘇撫谷孟文才前犯係偷竊蒙古四項牲

畜擬遣今在配聽從夥竊二次應比照尋常竊盜問擬軍流在配行竊一二次賊未滿貫軍罪復犯改發雲貴兩廣極邊烟瘴充軍。

廣西司

嘉慶二十五年

提督咨送李三因積匪擬軍停遣在監輒敢起意令伊妻陳氏向董八等嚇稱平日

存下賊賊訛詐得銀五十兩。計賊罪應擬
徒。應比照軍犯在配復犯徒一年者枷號
一個月。咨送兵部轉發到配枷號一個月。
陳氏罪坐夫男應免置議。

奉天司

嘉慶二十二年

吉林咨塔添僧因酗酒滋事發遣脫逃多
次復又逃回竊人馬牛委係不安本分例

內並無旗人在配脫逃後竊人馬牛作何
治罪明文塔添僧應比照八旗逃人匪類
發配安置不知改悔者發雲貴兩廣安置
仍依竊盜本律刺臂銷除旗檔

奉天司

嘉慶二十二年

吉林咨回民馬四係糾夥三人搶奪擬遣
在配盜牛宰殺例內並無尋常爲奴之犯

復犯軍罪。應擬何罪。專條馬四。應比照改發極邊烟瘴充軍之犯。在配復竊犯該軍罪者。枷號三年。民人趙良雖未同行。惟知情幫宰分錢使用。卽屬爲從。應于盜宰耕牛。枷號一個月。附近軍罪上減一等。枷號二十五日。滿徒。

山東司

嘉慶十八年

徒流人又犯罪

東撫咨流犯王士麟在配復犯徒罪。比照
軍犯復犯徒罪。分別枷號。本部改照已流
而又犯徒科以後犯之罪在配。拘役三年。
浙江司

嘉慶二十二年

浙撫咨莫阿多前因夥竊胡振芳家首賊
未盡。照白首不實不盡計賊科罪。擬杖八
十。徒二年。免刺。與犯竊刺字擬徒者不同。

應仍照逃徒本律問擬。莫阿多除行竊計
贓擬杖九十。輕罪不議外。應依逃徒杖一
百。從新拘役刺臂。

浙江司

嘉慶二十年

浙撫咨徒犯沈阿小。逃後夥竊三次。若照
逃徒復竊三次。應發烟瘴充軍。但其前次
行竊族兄沈宗潮家。擬徒在逃。復竊楊立

誠家因原犯親屬相盜。與刺字竊盜不同。仍發原配安置。奉准部覆。此次行竊。若仍照逃徒問擬。則該犯前次罪雖擬徒。例得免刺。應照再犯計贓杖責。枷號刺面。仍發原配將來復犯。照三犯科斷。

老小廢疾收贖

福建司 道光二年

福撫題林聰起意糾人將無服族姪林由謀死主令林起誣告李暖致死圖洩私忿該犯旋即脫逃被獲將該犯依謀殺律斬候脫逃三年就獲照例改爲立決恭逢恩詔免其逃罪原犯係謀殺造意不准援

免仍擬斬候惟該犯年已八十于疏內聲
明請

旨准其免死將該犯減爲滿流仍照律收
贖

河南司

嘉慶二十二年

河撫裕祿世曉因誘拉王毛擬絞緩決減
等發黑龍江爲奴兩口雙瞽成篤自應照

例收贖。惟例無遣犯收贖銀數明文。將葉
世曉比照滿流收贖例免其發遣。

犯罪自首

湖廣司

嘉慶二十二年

北撫奏吳士齊等聚衆謀殺劉廷揚等十三命內盧添華等三人係屬一家查案內同謀加功之羅揚才聞拏投首該撫以該犯有畏罪之心應於殺一家三人爲從加功斬決律上量減擬以斬候具奏經本部

查羅揚才聽從同謀加功慘殺多命未便因其聞拏投首遽予量減應仍依殺一家非死罪三人爲從加功律斬決姚坤等各持木棍在場助勢未便僅照不加功律擬流應從重發新疆爲奴。

雲南司

嘉慶二十二年

雲撫題李發枝聽糾共毆李正身死屍妻

李李氏貪賄私和例應杖流嗣李發枝等
燒燬屍棺該氏始行呈首第該氏呈首係
在牌甲訪查稟報之後未便照自首免罪
將李李氏比照知人欲告而自首減罪二
等律于滿流上減二等杖九十徒二年半
係婦人收贖

浙江司

嘉慶二十五年

浙撫咨外結賭博內張方氏因夫張允然
賭博輸錢爭吵被夫嗔斥氣忿自盡張允
然子伊妻自縊後始行呈明與自首不同
應照知人欲告而自首者減罪二等律于
賭博本罪上減二等枷號五十日杖八十
廣東司 嘉慶二十三年

廣撫題陳亞受聽從行劫入室搜贓罪應

斬決與盜首厥罪惟均陳亞受聞拏投首
應比照未傷人之首盜問拏投首例發雲
貴兩廣極邊烟瘴充軍

陝西司 嘉慶二十三年

陝督題軍犯張恂在配行竊因被事主陳
九柱子瞥見扭住所竊衣衫喊罵該犯情
急圖脫拾石拒毆致傷事主陳九柱子身

死。攜賊而逸。實屬臨時拒捕。依例應擬斬。決。惟該犯于屍親未經告發以前。自行投案。免其所因行竊之罪。科以殺人。本法查該犯拒捕。由于圖脫。並未有意欲殺。仍照圖殺律擬絞監候。

浙江司 嘉慶二十四年

浙撫咨蔡汝增。誣控蔡性善等。搶奪洋錢。

五百四十圓旋卽悔懼具結呈明將蔡汝
增比照犯罪知人欲告而自首者減罪二
等例子誣告人死罪未決杖流加徒罪上
減二等杖一百徒三年。

山東司

嘉慶二十四年

東撫咨田四大刀等聽從秦三孟搶奪周
氏尙未嫁賣旋卽首還除秦三孟前經本

部改照未傷人首盜開拏投首例發極邊
烟瘴充軍外田四大刀合依聚眾夥謀搶
奪路行婦女已成爲從絞監候罪上比照
強盜人財物知人欲告財主處首還減罪
二等律杖一百徒三年

二罪俱發以重論

安徽司 嘉慶二十三年

安撫題張壽先與胞姪之妻趙氏通姦。迨趙氏悔過拒絕。該犯因續姦不遂。將趙氏故殺。該犯與姪媳通姦已罪。犯絞決未便。僅照故殺律擬以斬候。應請

旨即行斬決。

安徽司

嘉慶二十三年

安撫題牛志發與李杜氏通姦經伊妻李氏撞破爭鬧將李氏搭死又恐杜氏之夫李金萬知覺姦情與之不依起意將其致死乘間推跌李金萬落水斃命以致李杜氏悔恨自縊身死將牛志發依姦夫起意殺死親夫例擬斬立決該犯因姦謀斃二

命復致自盡一命。情罪較重。應梟首示衆。

江蘇司 嘉慶二十三年

蘇撫咨張瑞方。與蔣春大之妻蔣莊氏通姦。本夫姦所獲姦。非登時殺死姦婦並幼女二命。復又自刎身死。將張瑞方比依木夫。聞姦數日殺死姦婦例。擬杖一百。徒三年。惟因姦致死三命。應依命案。不應擬抵。

徒犯致死三命以上加一等。例于滿徒罪上加一等。杖一百。流三千里。

犯罪事發在逃

河南司 嘉慶二十五年

河撫咨查現任職官以職守所係爲重。故一經脫逃被獲。卽應擬以重譴。至候補試用人員。無印信典守之職。原與現任有間。第旣試用候補。卽應聽差委如欲他往。亦須稟達上司。不能來去自由。若私自不告

而去。卽屬擅離。已有應得之罪。而獲咎潛逃。更不能稍從寬貸。茲把總龔大榮。以求缺未遂。輒敢向上司咆哮。本有應得之罪。迨該鎮欲行咨送究辦。該犯尤敢遠遁他省。希圖倖免。實屬罔知忌憚。應比照現任職官員罪潛逃。絞候。上量減一等。滿流。

湖廣司

嘉慶二十五年

北撫題把總曾紹績因汛兵董萬興誣良
爲竊犯案供伊主使誣拏被縣詳請解任
心懷不服私自赴省欲行稟訴旋被拏獲
該撫將曾紹績照現任職官無故私自逃
走被獲例發黑龍江當差本部以該弁私
自赴省欲行稟訴其罪止于不先稟明上
司擅離職守若遽科以無故逃走則其被

控欲訴不得謂之無故卽私自赴省亦不得謂之脫逃與擬遣之例不符駁令另擬遵駁改正將曾紹績比照現任職官無故私自逃走被獲發遣例量減一等滿徒

河南司 嘉慶二十五年

河撫咨李泳盛係將教匪劉之協首獲賞給把總曾經補缺告病痊愈撥營候補該

犯因求考未准輒向上司咆哮迨南鎮欲
行咨送究辦復敢私自潛逃第該犯究係
候補人員非現任可比應比照現任文武
職官負罪潛逃犯該軍流以下改為絞候
例上量減一等滿流

本條別有罪名

陝西司 嘉慶十八年

陝撫題張惲一黑夜捕賊誤傷胞兄張惲
成身死照過失殺胞兄律擬流本部駁改
本應罪重而犯時不知者依凡人鬪殺律
擬絞監候。

徒流遷徙地方

山西司

嘉慶十九年

提督咨送五格、供出伊姪安幅、同妻私自
典身。尙未立契。查安幅偕妻找尋僱主傭
工。本屬甘心下賤。惟經伊叔五格查知。留
住。尙未與人服役。與業已受僱傭工。不顧
顏面者有間。將安幅於旗人逃後甘心下

賤受僱傭工發黑龍江管束例減一等滿
徒

陝西司 道光二年

喀什噶爾咨阿克密爾雜等搶奪馬匹案
內之回民色依特阿里聽從搶奪按例止
應照搶奪爲從杖九十徒二年半惟外夷
回子在新疆地方犯該徒罪例無作何辦

理明文該叅贊大臣將該犯加重發伊犁
當差係屬例外加重應將色依特阿里比
依烏魯木齊等處兵民犯該徒罪者照犯
罪免發遣例加一等折枷號四十日滿日
責釋

安徽司 嘉慶二十一年

正藍滿怡親王門上呈送太監王進德酌

酒不法將王進德比照下五旗包衣人經
王府門上送部發遣例發打牲烏拉充當
苦差。